

Kommissaris Edward Kieswetter as Ondervoorsitter van die OESO Forum vir Belastingadministrasie aangestel

Athens, 15 November 2024 - Die kommissaris van die Suid-Afrikaanse Inkomstediens (SARS), mnr. Edward Kieswetter, is as ondervoorsitter van die OESO Forum vir Belastingadministrasie (FTA) aangewys. Die aankondiging is tydens die 17de FTA-plenum gemaak wat in Athene, Griekeland van 13 tot 15 November 2024 gehou is. Kommissaris Kieswetter sluit aan by mnr. Bob Hamilton, kommissaris van die Kanadese Inkomste-agentskap en voorsitter van die FTA, en me. Nina Schanke Funnemark, direkteur-generaal van die Noorweegse Belastingadministrasie en mede-ondervoorsitter van die FTA. 'n Diverse buro¹ sluit by die voorsitter en ondervoorsitters aan om die weg te baan vir die FTA se werk oor die volgende twee jaar. Dié opheffing van Kommissaris Kieswetter plaas Suid-Afrika in 'n strategiese rol binne die OESO FTA om invloed oor die buro uit te oefen om na die belange van ontwikkelende lande om te sien.

Kommissaris Kieswetter het met sy aanstelling die belangrikheid van Suid-Afrika se deelname aan die internasionale belastingdialoog beklemtoon: "SARS was deurgans standvastig in die behaling van sy strategiese oogmerk om 'n belasting- en doeanestelsel te ontwikkel en te administreer wat op vrywillige nakoming gebaseer is en, waar van toepassing, verantwoordelikheid afdwing. SARS se strategiese oogmerk word deur nege strategiese oogmerke ondersteun. Strategiese oogmerk 8 is "om saam met en deur belanghebbendes te werk om die belasting-ekosisteem te verbeter". Kommissaris Kieswetter het verder uitgebrei: "Ons deelname aan internasionale forums ondersteun die belangrikheid van doeltreffende en voordelige vennootskappe, soos met dié van die FTA ingesluit. Belastingrisiko's word nie tot binne nasionale grense beperk nie. 'n Belastingrisiko op enige plek in die wêreld, is 'n belastingrisiko oral. Geen land is 'n fiskale eiland nie. SARS kan slegs doeltreffend wees as ons soliede internasionale netwerke en vennootskappe onderhou wat oorgrense belastingsamewerking moontlik maak en vrywillige belastingnakoming verbeter. Dit dra by tot ons visie wat die bou van 'n slim, moderne belastingadministrasie behels, wat vertrou en bewonder kan wees, en ons deelname aan die FTA, die uitnemende forum oor belastingadministrasie, is noodsaaklik om ons visie 'n realiteit te maak."

Die FTA is in 2002 gestig en bring tans belastingkommissarisse en -administrasiebeampies van meer as 50 lande byeen. Die FTA is uniek deurdat dit die enigste forum op hoofde-van-belastingadministrasievlak is wat die gesamentlike kundigheid en ondervinding van sy lede inspan om kennis te deel, navorsing oor gemene belange aan te pak en nuwe idees en benaderings te ontwikkel om belastingadministrasie regoor die wêreld te versterk deur deurdagte leierskap, kennisdeling en beste praktyke, en die ontwikkeling van nuwe praktiese hulpmiddels.

Die Athene-plenum het onder die tema van "Die transformasie van belastingadministrasie" byeengekom. "Die transformasie van belastingadministrasie word al hoe noodsaakliker in die najaag van versterkte plaaslike hulpbronmobilisering (DRM) en in die bereik van die Verenigde Nasies se volhoubare

ontwikkelingsdoelwitte (SDG's). Doeltreffende DRM deur belasting is veral noodsaaklik vir die finansiering van openbare beleggings in infrastruktuur, onderwys en gesondheidsorg wat grondslaggewend is in die behaling van die SDG's. Belasting dien as 'n volhoubare en voorspelbare bron van openbare finansiering, veral in ontwikkelende lande", het Kommissaris Kieswetter in sy openingsvoorlegging aan die plenum gesê.

Afgevaardigdes van die Athene-plenum was in robuuste gesprekke betrokke oor brandende belastingadministrasiekwessies wat, onder andere, transformasie van belastingadministrasies, leierskapsuitdagings en -geleenthede, digitale transformasie om meer vaartbelyne en meer werklike-tydbelastingprosesse te help realiseer, belastingsekerheid, die implementering van die globale minimumbelasting en die opbouing van belastingadministrasiekapasiteit insluit. Die plenum het ook die bekendstelling van die FTA se rypheidsmodel vir geslagsbalansering ingesluit.

Met die terugblik op die forum se drie-dagplenumbesprekings, het Kommissaris Kieswetter gesê: "Ons lewe in 'n toenemende ingewikkelde wêreld waarbinne belastingadministrasies hulle mandaat van binnelandse hulpbronmobilisering moet lewer. Ons neem 'n vervuiling van belasting- en finansiële misdaad waar wat nie net aansienlike inkomste-lekasies veroorsaak nie, maar ook sosiale samehang erodeer. Ons bly toegewyd tot die bou van 'n slim, moderne belasting- en doeane-administrasie. Sonder 'n goed-funksionerende SARS, sou ons demokrasie onbefonds wees".

¹Skakel: FTA Plenary 2024 – Statement of Outcomes:

<https://www.oecd.org/content/dam/oecd/en/topics/policy-issues/tax-administration/outcome-statement-2024-fta-plenary-meeting.pdf>